


釋金剛經纂要疏分三

長水沙門


子璿




永樂北藏

金剛經疏論纂要

第一八七册








永樂北藏

金剛經疏論纂要

第一八七册




初牒章分文第一	二依章正釋經四	初善現申請二	二如來讚許疏三	三善現停問	四如來正說二	初甲讚所讚曲分
初整儀禮佛疏二	正發問端疏三	農一	初釋請人老	三釋請儀二	初正釋發座	
一發心住十人	二波羅密相應住二	三欲得色身住二	四欲得法身住四	五修道無慍住三	六不離佛出住六	七願淨佛土住願
八成熟眾生住八	九遠離外論住九	十觀破色身住十	初正示受五	二通教後段	三別結對治人	初國土具足八
二無上見智淨三	三無上福具足三	四無上具足四	五無上語具足三	二教聽許說教	三標勸將陳標	初釋當機分曲
初釋魏本二	二會當經譯	三引論證故	初正答所問二	二躡述斷疑	初舉總標別以牒問疏甲	二約別顯總以答問二
士路侍如來住十	士遠離退染住二	十三忍苦住三	十四離寂靜味住四	十五證通離喜住五	十六求佛教授住六	十七證道住七
十八求佛地位住八	初正釋經文以此	二序他謬判科	初釋標文	二釋列三	六無上心是定	初受生差別二
二依土差別依	三境界差別三					



永樂北藏

金剛經疏論纂要



第一八七冊



永樂北藏

金剛經疏論纂要


第一八七册






永樂北藏


金剛經疏論纂要

第一八七册









永樂北藏

金剛經疏論纂要

第一八七冊

釋金剛經纂要疏科

金剛般若經疏論纂要

并序上

農二

太興福寺沙門

宗密述

長水沙門子璿治定

鏡心本淨像色元空夢識無初物境成有由是惑業襲習報應綸輪塵沙劫波莫之遏絕故我滿淨覺者現相人中先說生滅因緣令

卷三

悟苦集滅道既除我執未達法空欲盡病根方談般若心境濟泯即是真心垢淨雙亡一切清淨三千瑞煥十六會彰今之所傳即第九分句偈隱畧旨趣深微慧徹三空檀含萬行住一十八處密示階差斷二十七疑潛通

血脉不先遣遣曷契如如故雖策脩始終無相由斯教理皆密行果俱玄致使口諷牛毛心通麟角或配入名相著事乖宗或但云一真望源迷派其餘曾談臆注不足論矣河沙珍寶三時身命喻所不及豈徒然哉且天親無著師補處尊後學何疑或添或棄故今所述不攻異端疏是論文乳非城內纂要名意及經題目次下即釋無煩預云
稽首牟尼大覺尊 能開般若三空句
發起流通諸上士 冥資所述契群機

將釋此經未入文前懸叙義門畧開四段第一辯教起因緣第二明經宗體第三分別處會第四釋通文義初中二初總論諸教謂酬因酬請顯理度生也若據佛本意則唯為一大事因緣故出現於世欲令衆生開佛知見

等後別顯此經五一為對治我法二執故由此二執起煩惱所知二障由煩惱障障心心不解脫造業受生論轉五道由所知障障慧慧不解脫不了自心不達諸法性相縱出三界亦滯二乘不得成佛故名障也二執若除

二障隨斷為除二執故說此經二為遮斷種現二疑故遮未起種子之疑斷現起現行之疑即經中答所問已便躡跡節節斷疑乃至經終二十七段三為轉滅輕重二業故轉重業令輕受滅輕業令不受四為顯示福慧二

農二

因故佛成正覺未說般若之前衆生由無妙慧施等住相皆成有漏或滯二乘故談般若顯示妙慧為法身因五度為應身因若無般若則施等五非波羅密不名佛因故須福慧二嚴方成兩足尊矣五為發明真應二果故

未聞般若之前但言色相是佛不知應化唯真之影不如實見真身應身故此發明二果令知由前二因證得第二明經宗體二初宗統論佛教因緣為宗別顯此經則實相般若觀照般若不一不二以為其宗以即理之智

觀照諸相故如金剛能斷一切即智之理是為實相故如金剛堅牢難壞萬行之中一一不得昧此是故合之以為經宗二體文字般若即是經體文字即含聲名句文文字性空即是般若無別文字之體故皆含攝理無不

畫統為教體第三分別處會二初總明佛說大部處會六百卷文四處十六會說一王舍城鷲峯山七會山中四會二給孤獨園七會三他化天宮摩尼寶藏殿一會四玉舍城竹林園白鷺池側一會此經則第二處第九會

農三

三

第五百七十七卷後別明傳譯此卷時主前後六譯一後秦羅什二後魏菩提流支三陳朝真諦四隨朝笈多五唐初玄奘六大周義淨上六人皆三藏今所傳者即羅什弘始四年於長安草堂寺所譯天竺有無著菩薩入

日光定上昇堯率親詣彌勒稟受八十行偈
又將此偈轉授天親天親作長行解釋成三
卷論約斷疑執以釋無著又造兩卷論約顯
行位以釋今科經唯約天親釋義即兼無著
亦傍求餘論採集諸疏題云纂要其在茲焉

第四釋通文義二初解題目

金剛般若波羅密經

金剛者梵云跋折羅力士所執之杵是此
寶也金中最剛故名金剛帝釋有之薄福
者難見極堅極利喻般若焉無物可能壞

之而能碎壞萬物涅槃經云譬如金剛無
能壞者而能碎壞一切諸物無著云金剛
難壞又云金剛能斷又云金剛者細牢故
細者智因故牢者不可壞故皆以堅喻般
若體利喻般若用又真諦記說六種金剛
一青色能消災厄喻般若能除業障二黃
色隨人所須喻無漏功德三赤色對日出
火慧對本覺出無生智火四白色能清濁
水般若能清疑濁五空色令人空中行坐
慧破法執住真空理六碧色能消諸毒慧

除三毒傍兼可矣非堅利之本喻般若正翻云慧即照五蘊空相應本覺之慧是也若約學者從淺至深言之則攝聞思脩三慧總爲般若故無著云能斷者般若波羅密中聞思脩所斷如金剛斷處而斷故又

農二

四

云細者智因故者智因即慧也依智度論因位名般若果位名智則聞思脩皆名爲細細妙之慧佛智之因矣般若能斷故在因位佛果無斷轉受智名若依大品經若字通智慧二義故智與慧名義少殊體性

無別波羅密者此云彼岸到應云到彼岸謂離生死此岸度煩惱中派到涅槃彼岸涅槃此云圓寂亦云滅度一切衆生即寂滅相不復更滅但以迷倒妄見生死名在此岸若悟生死本空元來圓寂名到彼岸

若兼般若迴文應云到彼岸慧經者梵音脩多羅義翻爲契經契者詮表義理契合人心即契理契機也經者佛地論云能貫能攝故名爲經以佛聖教貫穿所應說爲攝持所化生故後釋經文准常三分初序

分二正宗分二流通分初文二初證信序
二發起序○今初證信序

是我聞一時佛在舍衛國祇樹給孤獨園
與大比丘衆千二百五十人俱

釋此分三一明建立之因則佛臨滅度阿

難

五

難請問四事佛一一答我滅度後一依四
念處住二以戒爲師三默擯惡性比丘四
一切經初皆云如是我聞一時佛在某處
與某衆若干等二明建立之意意有三焉
一斷疑故謂結集時阿難昇座欲宣佛法

感得自身相好如佛衆起三疑一疑佛重
起說法二疑他方佛來三疑阿難成佛故
說此言三疑頓斷二息諍故若不推從佛
聞言自製作則諍論起三異邪故不同外
道經初云阿憂等三正釋文義具六成就
謂信聞時主處衆六緣不具教則不興必
須具六故云成就一信若兼我聞合釋則
指法之辭也如是之法我從佛聞單釋如
是者智度論云信成就也佛法大海信爲
能入智爲能度信者言是事如是不信者

言是事不如是又聖人說法但爲顯如唯
如爲是故稱如是又有無不二爲如如非
有無爲是二聞我即阿難五蘊假者聞謂
耳根發識廢別從總故云我聞阿難所不
聞二十年前之經有云如來重說有云得
深三昧總領若推本而言即阿難是大權
菩薩何法不通三時師資合會說聽究竟
故言一時諸方時分延促不同故但言一
又說法領法之時心境泯理智融凡聖如
始本會此諸二法皆一之時四主具云佛

陀此云覺者起信云所言覺義者謂心體
離念離念相者等虛空界即是如來平等
法身則以無念名之爲佛然覺有三義一
自覺覺知自心本無生滅二覺他覺一切
法無不是如三覺滿二覺理圓稱之爲滿
故知有念則不名覺起信云一切衆生不
名爲覺以無始來念念相續未曾離念又
云若有衆生能觀無念者則爲向佛智故
五處舍衛此云聞物謂具足欲塵財寶多
聞解脫等遠聞諸國故義淨譯云名稱大

卷三

六

城祇樹等者即祇陀太子所施之樹給孤長者所買之園祇陀此云戰勝波斯匿王太子也生時王與外國戰勝因以爲名梵語須達此云善施給孤獨即是善施也又亦常行施故西國呼寺爲僧伽藍此云衆

園六衆與者并也及也大者名高德著比丘梵語此舍三義故存梵不譯一怖魔二乞士三淨戒衆者理和事和千二百五十者佛初成道度憍陳如等五人次度迦葉三兄弟兼徒總一千次度舍利佛目連各

兼徒一百次度耶舍長者子等五十人經舉大數故滅五人此常隨衆故偏列數非無餘衆末隱顯耳俱者一時一處二發起序者謂乞食威儀離於邪命是爲持戒戒能資定定能發慧故以戒定發起般若正

卷二

七

宗△文二初戒

爾時世尊食時著衣持鉢入舍衛大城乞食於其城中次第乞已還至本處

分七節釋一化主成實論說具上九號爲物欽重故曰世尊天上人間共所尊故二

化時食時辰時當日初分求乞易得不惱
自他乞已歸園正當已時如常齋法三化
儀著僧伽梨衣持四天王所獻鉢四化處
園在城東南五六里自外之內爲入處廣
人多曰大五化事佛爲欲顯頭陀功德令

放逸者慙愧以同事攝故自乞食瓔珞女
經說化佛身如金段金剛無生熟二藏今
所乞者利益他故故淨名云爲不食故應
受彼食六化等一由內證平等理外不見
貧富相二心離貪慢慈無偏利三表威德

不懼惡象沽酒婬女等家四息凡夫猜嫌
五破二乘分別七化終然已字義屬下句
文連上句飯食字義屬上句文連下句若
廣其文令當句中備者應云次第乞已還
至本處飯食飯食訖收衣鉢佛若不食他
福不滿寶雲經說隨所乞得分爲四分一
擬與同梵行二擬施貧病乞人三水陸衆
生四自食十二頭陀經唯說三分除梵行
二定

飯食訖收衣鉢洗足已敷座而坐

分三節釋一併資緣將欲入定須息攀緣
衣鉢不收心有勞慮故佛示現爲後軌也
即收大衣著七條二淨身業阿含經說佛
行離地四指蓮花承足今示現洗者順世
表法爲後軌也三正入定敷座坐禪者由

卷二

身端故心離沉掉故魏譯云如常敷座結
加趺坐端身而住正念不動唐譯云端身
正願住對面念無著云顯示唯寂者於此
能覺能說故然大聖現跡必有所表表本
覺之佛在五蘊之都覺魔軍本空名爲戰

勝照心識具德即是給孤求法養神名乞
士衆覺心既發寧棄塵勞將欲徧觀遂入
識藏心心數法次第思惟即妄而真皆得
法喜法喜無體融合覺心思惟假緣亡緣
可符真性觀照是跡拂跡返本還源返本
還源法空心寂心寂真體般若朗然欲談
般若正宗如是示現發起資聖云夫身有
二一僞二真五蘊僞體假衣食以生育法
身無相因般若以照成羣生保僞遺真諸
佛養真棄僞群生既迷真而取僞我乃假

偽跡而引真故託乞食之緣將施法喜之
化故涅槃經云汝諸比丘雖行乞食初未
曾乞大乘法食第二正宗分二門分別初
約無著七種義句以懸判後依天親問答
斷疑以科釋初中七義句者一種性不斷

卷三

九

謂護念付囑二發起行相謂由請讚許三
行所住處謂十八住從佛正說直至經終
是無相行所住處矣四對治謂一一住處
皆具邪行共見正行二種對治五不失謂
由對治離增減二邊不失中道六地位謂

由不失中道成賢聖位信行地淨心地如
來地七立名謂由前六智慧堅利位地闊
狹故名金剛後四但約第三句中十八住
說無別經文十八住處者一發心住經云
應如是降伏其心所有一切等二波羅密

相應行住不住色布施等三欲得色身住
可以身相等四欲得法身住法身有二一
言說法身頗有衆生等因言顯理故二證
得法身復有二一智相如來得阿耨等二
福相若人滿三千等五於脩道得勝中無

慢住須陀洹等從此至十六住如次對治
十二種障意明欲求色身法身須離是障
障盡故入十七證道住今當對治第一慢
障六不離佛世時住昔在然燈等離第二
少聞障不離佛世則具多聞七願淨佛土

住菩薩莊嚴佛土不等離小攀緣作念脩
道障緣形相土則小無緣則大契法界故
八成熟衆生住人身如須彌等離捨衆生
障若見大小不能濟物九遠離隨順外論
散乱住如恒河中所有沙等離樂隨外論

散乱障恒沙實施不及持經如何外學不
脩正法十色及衆生身搏取中觀破相應
行住三千世界所有微塵等離破影像相
中無巧便障既離散乱與定相應以細末
不念二種方便破麤至細泯細至空則除

卷二

影像之相想十一供養給侍如來住可以
三十二相見如來不等離福資糧不具障
不以相見常見法身名爲給侍福無邊矣
十二遠離利養及疲乏熱惱故不起精進
及退失住恒河沙身命布施等離樂味懈

怠利養障恒沙命施猶劣受持豈爲一身
耽著利養身疲心惱而懈怠耶十三忍苦
住忍波羅密割截身等離不能忍苦障無
我等相累苦能忍十四離寂靜味住當來
之世若有人能於此經受持讀誦等離_{離智}
資糧不具障日三時捨身一一沙數不及
信經如何唯專禪定耽寂靜味闕於智慧
而不持說十五於證道時遠離喜動住云
何住降等離十一不自攝障我能住降心
生喜動動則不能自攝十六求佛教受住

於然燈佛所有法得菩提不等離十二無
教授障欲入初地須佛教教授故約遇佛得
無所得而證道矣十七證道住人身長大
等攝種性智證徧行真如成法報身故長
大矣十八上求佛地住於中復有六種具
_足
足一國土淨具足我當莊嚴佛土等此教
_土
二地已上諸大菩薩二無上見智淨具足
有肉眼不等此下皆唯佛果故云無上無
上之言貫通下四三福自在具足若人滿
三千界七寶等四身具足佛可以具足色

身等五語具足汝勿謂如來說法等六心具足佛得阿耨菩提爲無所得耶乃至應作如是觀又十八住畧爲八種亦得滿足一攝住處二波羅密淨住處二次配三欲住處攝三及四四離障礙住處即前十二障也從五至十六五淨心住處六究竟住處上二次配十七十八七廣大住處八甚深住處上二各攝十八住處一一住中皆深皆廣十八住文配位地者第十一住第二十行中前六三第七行四後三行五

至十四如次配十迴向十五煖頂十六忍世第一十七初地十八從二地乃至佛地第二依天親問答斷疑以科釋摠分四段
△初善現申請二初整儀讚佛
時長老須菩提在大衆中即從座起偏福右

肩右膝著地合掌恭敬而白佛言希有世尊如來善護念諸菩薩善付囑諸菩薩
長老者德長年老唐譯云具壽壽即是命魏譯云慧命以慧爲命須菩提有三義譯謂善言善現空生生時室空解空之善瑞

現矣相師占云唯善唯吉從座起下背整
理威儀脩敬之相希有者世所無故如來
者從如而來論云善護念者依根熟菩薩
說謂與智慧力令成就佛法與教化力令
攝受衆生善付囑者依根未熟菩薩說懼

聖

十二

其退失付授智者付者將小付大囑者囑
大化小菩提薩埵此云覺有情三釋一約
境所求所度二約心有覺悟之智餘情慮
之識三約能所求能求三皆如次配覺
及有情二正發問端

世尊善男子善女人發阿耨多羅三藐三菩
提心應云何住云何降伏其心

曲分二初釋當機華嚴云忘失菩提心脩
諸善業魔所攝持阿耨多羅三藐三菩提
此云無上正徧正覺謂正智徧智覺知真
俗不徧不邪二釋正問魏譯云應云何住
云何脩行云何降伏其心意云若人發菩
提心已住何境界脩何行業安心若起云
何降伏故佛令安住四心脩六度行於中
降心不令著相秦譯畧脩行者意云住道

降心即是脩行謂四心六度皆名住脩降
伏故無著云住謂欲願脩行謂相應等持
降伏謂彼心若散制令還住又十八住中
一一皆以住脩降伏釋之故知義雖有三
而行是一○二如來讚許

卷二

十三

佛言善哉善哉須菩提如汝所說如來善護
念諸菩薩善付囑諸菩薩汝今諦聽當爲汝
說善男子善女人發阿耨多羅三藐三菩提
心應如是住如是降伏其心

曲分三一印讚所讚重言善哉讚美之極

護付能令佛種不斷是事必然故印讚言
如汝所說○二勅聽許說無以生滅心行
聽實相法智論偈云聽者端視如渴飲一
心入於語義中踊躍聞法心悲喜如是之
人可爲說三標勸將陳我當爲汝如是如

是委細而說三善現佇聞

唯然世尊願樂欲聞

唯者順從之辭禮對曰唯野對曰阿十地
經云如渴思冷水如饑思美食如病思良
藥如衆蜂依窠我等亦如是願聞甘露法

△四如來正說二一正答所問二初舉摠標別以牒問

佛告須菩提諸菩薩摩訶薩應如是降伏其心

此以降伏爲摠住脩爲別也謂住脩之中

皆有降伏經意在此故唯標降伏有科此所標云舉後攝初者乃今經文極不穩暢理例顛倒自古言教祇有以初攝後未聞以後攝初况詳經文無別答降伏之處則知降伏在住脩中皆令離相是答降伏問

也不別答者此經宗於離相離相正是降心本意欲明降心須約住脩而顯住脩降心本不相離故無著十八住皆有住脩降心△二約別顯摠以答問三一答安住降心問四初廣大心

卷三

高

所有一切衆生之類若卵生若胎生若濕生若化生若有色若無色若有想若無想若非有想非無想

文二初句標三界普度故若卵下二列三一受生差別天獄化生鬼通胎化人畜各

四諸餘微細水陸地空不可具分品類外
劣在初者二釋一約境具緣多者爲首二
約心從本至末爲次二依止差別有色四
禪無色四空三境界差別功德施云有想
則空識二處無想則無所有處非等則有

頂○○二第一心

我皆令入無餘涅槃而滅度之

即無住處涅槃不共二乘故云第一無著
云何故願此不可得義生所攝故又云外
濕無想有頂則不能云何普入有三因緣

一難處生者待時故二非難處生未成熟
者成熟之故三已成熟者解脫之故○○
三常心

如是滅度無量無數無邊衆生實無衆生得
滅度者

卷三

五

一性空故二同體故論云自身滅度無異
衆生三本寂故四無念故五法界故四不
倒心

何以故須菩提若菩薩有我相人相衆生相
壽者相即非菩薩

論云遠離依止身見衆生等相故無著云
已斷我見得自行平等相故信解自他平
等顯示降伏心中攝散時衆生想亦不轉
如彼爾炎△二答脩行降心問五○初摠
標

後次須菩提菩薩於法應無所住行於布施
於法者統標諸法應無下正明脩行問菩
薩萬行何唯說一答萬行不出六度六度
摠名布施故偈云檀義攝於六資生無畏
法此中一二三是名脩行住無著云若無

精進疲倦故不能說法若無禪定即貪信
敬利養染心說法若無智慧便顛倒說法
一別釋

所謂不住色布施不住聲香味觸法布施

本論但指三事謂自身報恩果報偈云自

身及報恩果報斯不著護存已不施防求
於異事三摠結

須菩提菩薩應如是布施不住於相

前但指三事今則心境空有微細盡祛故
偈云遠離取相心論云不見施物受者施

者無著云不住相想有人將此結文爲答
降伏問非也前標次釋次結皆云無住都
是脩行中降伏之義何忽偏判配結之文
爲答別問○四顯益

何以故若菩薩不住相布施其福德不可思

卷一

六

量須菩提於意云何東方虛空可思量不
也世尊須菩提南西北方四維上下虛空可
思量不也世尊須菩提菩薩無住相布施
福德亦復如是不可思量

初句徵者論云若離施等相想云何成就

施福若菩薩下釋於中三初法說爲疑無
福不可思以斷之東方下喻說可知菩薩
無住相下法合虛空者無者云猶如虛空
有三因緣一遍一切處謂住不住相中相
生故二寬廣高大殊勝故三無盡究竟不

窮故五結勸

須菩提菩薩但應如所教住

二躡跡斷疑論云自此已下示現斷生疑
心於中文分二十七段一斷求佛行施住
相疑疑云爲求佛果行施即是住所求佛

相云何無住又不住相爲因豈感色相之
果因果不類故斷之文四初舉疑因以問
須菩提於意云何可以身相見如來不

本祇因以相爲佛故對前不住相起疑佛
舉疑起之因問荅欲令除斷○二防相得

卷三

七

以酬

不也世尊不可以身相得見如來

遮防疑者欲以相求令得見佛故荅云不
可以相得見論云爲防彼相成就得如來
身三釋體異有爲

何以故如來所說身相即非身相

相是有爲生住異滅佛體異此故非身相
偈云三相異體故者佛體異於有爲三相
也住異二相同是現在故合爲一若細分
即四故唯識云生表此法先非有滅表此

法後是無異表此法非凝然住表此法整
有用四印佛身無相

佛告須菩提凡所有相皆是虛妄若見諸相
非相即見如來

非但佛身無相但是一切凡聖依正有爲

之相盡是虛妄以從妄念所變現故妄念
本空所變何實故起信云一切境界唯依
妄念而有差別若離心念即無一切境界
之相若見諸相等者遮離色觀空也恐聞
相是虛妄又別求無相佛身故云相即非

相便是如來不唯佛化身相是如來所見
一切相相皆無相即如來也故起信云所
言覺義者謂心體離念離念相者等虛空
界即是如來平等法身肇云行合解通則
爲見佛偈云離彼是如來者離彼三相是

法身如來也無著則於色身但離徧計不
執色相即真色身故彼論云此爲顯示如
來色身又此當第三欲得色身住處二斷
因果俱深無信疑論云無住行施因深也
無相見佛果深也未來惡世必不生信空

卷三

文

說何益斷之文四初約無信以呈疑
須菩提白佛言世尊頗有衆生得聞如是言
說章句生實信不

魏云頗有衆生於未來世云云今畧此句
者影在後五百歲也句詮差別章者解句

實信者大品云於一切法不信是信般若
二呵疑詞以顯信

佛告須菩提莫作是說如來滅後後五百歲
有持戒脩福者於此章句能生信心以此為
實

後五百歲者大集云初五百歲解脫牢固
第二百五百歲禪定牢固三多聞四塔寺五
闢諍皆如初本疑惡世無信故舉惡世以
斷疑持戒脩福者戒定也以此為實者正
解無倒無著云增上戒等三學顯示脩行

少欲等功德戒出三塗定出六欲慧出三
界三明能信之所以二初明歷事善友積
集信因

當知是不於一佛二佛三四五佛而種善
根已於無量千萬佛所種諸善根聞是章句

世

九

乃至一念生淨信者

無著云顯示集因於多佛所明久事善友
則緣勝也種諸善根明久伏三毒則因勝
也二明善友所攝成就信德二初明攝受
得福顯福德門

須菩提如來悉知悉見是諸衆生得如是無量福德

無著云謂於一切行住所作中知其心蘊四見其依止身故此等顯示善友所攝論云若不說見或謂如來以比智知若不說知

或謂如來以肉眼見視湏二語得福德者魏云生如是福德取如是福德論云生者能生因取者熏脩自體果義無著云生者福正起時現行取者即彼滅時攝持種子此云得者生取二義不離於得得之一字

生取俱攝二明攝受所以顯智慧門由無二執故得攝受△文二初正明已斷塵執何以故是諸衆生無復我相人相衆生相壽者相無法相亦無非法相

初徵信者以何義故得如來悉知悉見後釋二一無我執執取自體爲我計我展轉趣於餘趣爲人計我盛衰苦樂種種變異相續爲衆生計我一報命根不斷而住爲壽者二無法執論云無法相者能取所取一切法無亦無非法相者無我真空實有

然離二執正是得佛知見成就淨信之本
善根福德却是相兼故論云有智慧便足
何故復說持戒功德爲示現實相差別義
故亦有持戒功德依信心恭敬能生實相
故不但說般若二因顯未除細執

卷三

下

何以故是諸衆生若心取相則爲著我人衆
生壽者若取法相即著我人衆生壽者何以
故若取非法相即著我人衆生壽者
若心取下摠明二相摠解取法非法盡名
相也亦是建立取相則我等相便生立義

宗也若取法下別明二相論云但有無明
使無現行簾煩惱示無我見故無著云但
取法及非法相轉非我等想以我等想及
依止不轉中有徵者取法但爲法相何故
便著我等釋云取非法亦著我等何况取

法以後釋前也四示中道之玄門

是故不應取法不應取非法以是義故如來
常說汝等比丘知我說法如筏喻者法尚應
捨何況非法

初正結歸中後引說以證筏喻者假言顯

義不應如言執義不執即爲不取非全棄也偈云彼不住隨順於法中證智論釋云不住者得證智捨教如到彼岸隨順者隨順彼證智之教法如未到岸無著云法尚應捨者實相生故何況非法者理不應故

卷三

主

三斷無相云何得說疑論云向說不可以相見佛佛非有爲云何釋迦得阿耨菩提云何說法斷之文二初問答斷疑四初舉疑因以問

須菩提於意云何如來得阿耨多羅三藐三

菩提耶如來有所說法耶

佛問得不意願不得故無著云顯示翻於正覺取故二順實理以酬

須菩提言如我解佛所說義無有定法名阿耨多羅三藐三菩提亦無有定法如來可說

偈云應化非真佛亦非說法者三釋無定法之言

何以故如來所說法皆不可取不可說非法非非法

無著云不可取者謂正聞時不可說者謂

正說時非法者分別性故非非法者法無我理故論云彼法非法非非法依真如義說非法者一切法無體相故非非法者彼真如無我實相有故何故唯言說不言證有言說者即成證義故若不證者則不能

說四釋無取說之所以

所以者何一切賢聖皆以無爲法而有差別魏云一切聖人皆以無爲法得名論意云聖人但依真如清淨得名非別得法故無取說而有差別者論云真如具足清淨分

清淨無著云無爲者無分別義故是故菩薩有學得名如來無學得名初無爲者折伏散亂時顯了故後無爲者唯第一義者無上覺故三乘賢聖皆脩證無爲故通說爲差別二校量顯勝四初舉劣福以問

卷三

三

須善提於意云何若人滿三千大千世界七寶以用布施是人所得福德寧爲多不

俱舍偈云四大洲日月蘇迷盧欲天梵世各一千名一小千界此小千千倍說名一中千此千倍大千皆同一成壞七寶者金

銀琉璃珊瑚碼碯赤真珠頗黎二釋福多以酬

須菩提言甚多世尊何以故是福德即非福德性是故如來說福德多

無著云是福德者標牒即非者約勝義空

是故者約世俗有三判經福超過

若復有人於此經中受持乃至四句偈等為他人說其福勝彼

偈云受持法及說不空於福德福不趣菩提二能趣菩提四句者但於四句詮義究

竟即成四句偈如凡所有相皆是虛妄若見諸相非相即見如來此最妙也然但義見四句持說即趣菩提文或增減不必唯四義若闕者則互成謗四釋超過所以二初正釋

卷五

十三

何以故須菩提一切諸佛及諸佛阿耨多羅三藐三菩提法皆從此經出

諸佛菩提法者論云名為法身於彼法身此二能作了因一切諸佛者即報化身論云於此能為生因二轉釋

須菩提所謂佛法者即非佛法

第一義中無有佛法從經出也四斷聲聞得果是取疑論云向說聖人無爲法不可取說云何聲聞各取自果如證而說斷之文四初入流果

須菩提於意云何須陀洹能作是念我得須陀洹果不須菩提言不也世尊何以故須陀洹名爲入流而無所入不入色聲香味觸法

是名須陀洹

須陀洹此云入流入聖人流故亦云須流

預聖人流故祇由不入六塵名入聖流不是別有所入故論云聖人得果不取一法不取六塵境界故名逆流乃至羅漢不取一法以是義故名阿羅漢然非不取無爲自果但於證時離取我等煩惱是故無如

是心我能得果若起如是心我能得果即爲著我等故知得果是不取義何得疑云是取二一來果

須菩提於意云何斯陀含能作是念我得斯陀含果不須菩提言不也世尊何以故斯陀

舍名一往來而實無往來是名斯陀舍

斯陀舍此云一來斷欲界六品脩惑從此
命終一往天上一來人間便得阿羅漢果
故名一來而實無來者已悟無我誰能往
來三不來果

卷二

三

須菩提於意云何阿那含能作是念我得阿
那含果不須菩提言不也世尊何以故阿那
含名爲不來而實無不來是故名阿那含
阿那含此云不來亦云不還斷欲界九品
脩惑盡命終一往天上更不還來下界故

云不來而實無不來義同前釋四不生果
阿羅漢此釋有三一無賊三界見脩煩惱
盡故二不生不受後有故三應_供受人天
廣大供養故文三初舉所得以問
須菩提於意云何阿羅漢能作是念我得阿

羅漢道不

二明無取以答

須菩提言不也世尊何以故實無有法名阿
羅漢世尊若阿羅漢作是念我得阿羅漢道
即爲著我人衆生壽者

三引已證令信三初明佛先印

世尊佛說我得無諍三昧人中最為第一是
第一離欲阿羅漢

無諍者不惱衆生能令衆生不起煩惱故
佛讚之十弟子中善現第一離欲者三界

農三

五

煩惱但有貪心盡名為欲非唯欲界二彭
已不取

我不作是念我是離欲阿羅漢

三却釋佛意

世尊我若作是念我得阿羅漢道世尊則不

說須菩提是樂阿蘭那行者以須菩提實無
所行而名須菩提是樂阿蘭那行

論云離二種障一煩惱障得阿羅漢故離
二三昧障得無諍故離故無所行阿蘭那
者此云寂靜五斷釋迦然燈取說疑論云

釋迦昔於然燈佛所受法彼佛為此佛說
法云何言不可取不可說

佛告須菩提於意云何如來昔在然燈佛所
於法有所得不不也世尊如來在然燈佛所
於法實無所得

於法實無所得者然燈佛說說是語言釋迦所聞唯聞語言語言非實智證法故論云釋迦於然燈所言語所說不取證法以是義故顯彼證智不可說不可取六斷嚴土遠於不取疑論云若法不可取云何諸

菩薩取莊嚴淨土云何自受法王身斷之文三初舉取相莊嚴問

須菩提於意云何菩薩莊嚴佛土不

佛意欲明法性真土故問取形相莊嚴土不二釋離相莊嚴答

不也世尊何以故莊嚴佛土者即非莊嚴是名莊嚴

偈云智習唯識通如是取淨土非形第一體非嚴莊嚴意論釋云諸佛無有莊嚴國土事唯真實智慧習識通達故不可取莊

卷二

三

嚴有二一形相二第一義相非嚴者無形相故莊嚴意者即是第一莊嚴以一切功德成就莊嚴故三依淨心莊嚴勸

是故須菩提諸菩薩摩訶薩應如是生清淨心不應住色生心不應住聲香味觸法生心

應無所住而生其心

論云若人分別佛土是有爲形相而言我
成就者彼住於色等境中爲遮此故故云
應如是生清淨心不應住色等也而生其
心者則是正智此是真心若都無心便同

空見七斷受得報身有取疑疑意如前斷
之文二初問答斷疑

須菩提譬如有人身如須彌山王於意云何
是身爲大不須菩提言甚大世尊何以故佛
說非身是名大身

論云如須彌山王勢力高遠故名爲大而
不取我是山王以無分別故報佛亦如是
以得無上法王體故名大而不取我是法
王以無分別故故偈云如山王無取受報
亦復然非身名身者非有漏有爲身是無

證二

三七

漏無爲身故偈云遠離於諸漏及有爲法
故論云若如是即無有物若如是即名有
物以唯有清淨身故以遠離有爲法故以
是義故實有我體以不依他緣住故二校
量顯勝二一約外財校量廣顯經勝二一

校量勝劣三初約多河以辨沙

須菩提如恒河中所有沙數如是沙等恒河於意云何是諸恒河沙寧爲多不須菩提言甚多世尊但諸恒河尚多無數何況其沙

恒河者從阿耨池東面流出周四十里沙

細如麴金沙混流佛多近此說法故取爲喻二約多沙以彰福

須菩提我今實言告汝若有善男子善女人以七寶滿爾所恒沙河數三千大千世界以用布施得福多不須菩提言甚多世尊

論云前已說喻何故復說偈云說多義差別亦成勝校量後福過於前故重說勝喻何故不先說此喻爲漸化衆生令信上妙義故又前未顯以何等勝功德能得菩提故三約多福以顯勝

佛告須菩提若善男子善女人於此經中乃至受持四句偈等爲他人說而此福德勝前福德

施感生死經趣菩提大意同前二釋勝所以五一尊處歎人勝三初明處可敬

復次須菩提隨說是經乃至四句偈等當知
此處一切世間天人阿脩羅皆應供養如佛
塔廟

大般若說天帝不在諸天若來但見空座
盡皆作禮供養而去宰堵波此云高顯塔

卷三

天

者邊國訛語廟貌也於塔中安佛形貌二
顯人獲益

何況有人盡能受持讀誦須菩提當知是人
成就最上第一希有之法

前四句猶勝况此盡能受持故最上等也

三顯處有佛

若是經典所在之處則為有佛若尊重弟子
經顯如來法身依法則有報化又一切賢
聖皆以無為得名經顯無為必有賢聖尊
重弟子二約義釋辨名勝

爾時須菩提白佛言世尊當何名此經我等
云何奉持佛告須菩提是經名為金剛般若
波羅密以是名字汝當奉持所以者何須菩
提佛說般若波羅密則非般若波羅密
佛立經名約能斷惑故勝也則非般

若者無著云對治如言執故三佛無異說勝
須菩提於意云何如來有所說法不須菩提
白佛言世尊如來無所說

無所說者無別異增減之說但如證而說
既如其說則無所說三世佛皆然故云無

卷二

无

異說故論云無有一法唯獨如來說餘佛
不說無著云第一義不可說四施福劣塵
勝

須菩提於意云何三千大千世界所有微塵
是為多不須菩提言甚多世尊須菩提諸微

塵如來說非微塵是名微塵如來說世界非
世界是名世界

論云寶施福德是煩惱因以能成就煩惱
事故地塵無記非煩惱因故塵勝施劣大
雲云故諸地塵則非貪等煩惱塵是名無

記地塵如來說三千界非煩惱染因界是
名地塵無記界是則界為塵因塵不生煩
惱施為福因福生煩惱五感果離相勝

須菩提於意云何可以三十二相見如來不
不也世尊不可以三十二相得見如來何以

故如來說三十二相即是非相是名三十二相

恐施寶者云我施求佛誰言煩惱故此經云可以相為佛不論云持說此法能成菩提勝彼福德何以故彼相於佛菩提非法

身相故經福能降施福德三十二相意明經福降施方得色相佛身若但實施即煩惱因二約內財校量倍顯經勝二初校量勝劣

須菩提若有善男子善女人以恒河沙等身

命布施若復有人於此經中乃至受持四句偈等為他人說其福甚多

捨身勝於寶施持說又勝捨命二釋勝所以五初泣歎未聞深法勝

爾時須菩提聞說是經深解義趣涕淚悲泣

卷二

三

而白佛言希有世尊佛說如是甚深經典我從昔來所得慧眼未曾得聞如是之經

捨身之苦已感人心何況更聞不及持說是故悲淚論云念彼身苦尊重法故悲淚慧眼人空也未聞法空也二淨心契實具

德勝二初正明

世尊若復有人得聞是經信心清淨則生實
相當知是人成就第一希有功德

論云此中有實相餘者非實相二佛跡

世尊是實相者則是非相是故如來說名實

相

無著云為離實相分別想故三信解三空

同佛勝三初總標信解

世尊我今得聞如是經典信解受持不足為
難若當來世後五百歲其有衆生得聞是經

信解受持是人則為第一希有

無著云未來法滅時尚有菩薩受持故無
我人等取云何汝等於正法時遠離脩行
不生慚愧二別顯三空

何以故此人無我相人相衆生相壽者相所

卷二

三

以者何我相即是非相人相衆生相壽者相
即是非相何以故離一切諸相即名諸佛

無著云無我等者無人取我等即非相者
無法取離一切者顯示諸菩薩隨順學相
諸佛世尊離一切相是故我等應如是學

三如來印定

佛告須菩提如是如是

四聞時不動希有勝

若復有人得聞是經不驚不怖不畏當知是人甚爲希有

論云驚者謂非處生懼怖者不能斷疑心故畏者一向怖故其心畢竟愼驚怖故五大因清淨第一勝

何以故須菩提如來說第一波羅

波羅密是名第一波羅密

何以故者有二一踰前不驚等徵二都踰前勝以徵論云此法門者名爲大因勝餘脩多羅故名爲清淨無量諸佛同說故故彼珍寶檀等無如是功德是故彼福德中此福爲勝

金剛般若經疏論纂要

永樂北藏

金剛經疏論纂要

第一八七冊

金剛般若經疏論纂要下

農三

京大興福寺沙門 宗密述

長安沙門子琳治定

八斷持說未脫苦果疑論云向說捨身苦
身果報故福劣若爾依此法門持說諸苦
薩行苦行亦是苦果云何此法不成苦果

根三

○斷之文二初明起忍以斷疑二○初明

忍體

須菩提忍辱波羅蜜如來說非忍辱波羅
蜜

忍到彼岸已離苦相况彼岸非岸誰苦誰

忍△二明忍相二初引一生證極苦忍二

初正明

何以故須菩提如我昔為歌利王割截身體
我於今時無我相無人相無眾生相無壽者
相

歌利此云極惡佛昔作仙山中修道王獵
疲寢妃共禮仙王問得四果皆答不得王
怒割截天怒雨石王懼而懺悔仙證本無
瞋王乃免害論云不但無苦而乃有樂以
慈悲故○二反顯

何以故我於往昔節節支解時若有我相人相衆生相壽者相應生嗔恨

二引多生證相續忍

須菩提又念過去於五百世作忍辱仙人於尔所世無我相無人相無衆生相無壽者相

累苦故忍熟而樂但與正定慈悲相應故偈云離我及恚相實無有苦惱共樂有慈悲如是苦行果○二勸離相以安忍論云若有菩薩不離我相見苦行苦欲捨菩提心故勸離相無著云爲對治不忍因緣有

三種苦謂流轉苦衆生相違苦受用苦
○文二○初惣標

是故須菩提菩薩應離一切相發阿耨多羅三藐三菩提心

若離相發心雖逢大苦即能不捨無著云離

卷二

二

一切相者爲離如是三苦相也○二別顯

二○初對治不忍流轉苦

不應住色生心不應住聲香味觸法生心應生無所住心若心有住則爲非住是故佛說菩薩心不應住色布施

初正明流是集諦轉是苦諦無著云若著色等則於流轉苦中疲乏故菩提心不生後引證引前說無住施具舍六度證此文矣○二對治不忍相違苦

須菩提菩薩為利益一切眾生應如是布施

如來說一切諸相即是非相又說一切眾生則非眾生

無著云既為眾生行施云何於彼生瞋由不能無眾生想故眾生相違時即生疲乏故顯示人無我法無我論云諸相者眾生

相也非相者無我也陰中見我是眾生相一切眾生者五陰法也非眾生者陰空故法無我也乏受用苦配在後斷九斷能證無體非因疑論云於證果中無道云何彼於果為能作因○斷之文二○初斷疑

震三

三

須菩提如來是真語者實語者如語者不誑語者不異語者

佛所有說皆如其事今說證果何疑不然真語者說佛身大菩提法也是真智故實語者說小乘四諦諦是實義如語者說大

乘法有真如小乘無也不異語者說三世授記等事更無參差佛將此四語不誑衆生是故秦譯加不誑語○二離執

須菩提如來所得法此法無實無虛

無實者如言說性非有故無虛者不如言

說自性故有○十斷如遍有得無得疑論

云若聖人以無為真如法得名彼真如一切時處恒有何故有得者有不得○斷之文二○初舉喻斷疑

須菩提若菩薩心住於法而行布施如人入

闇則無所見若菩薩心不住法而行布施如人有目日光明照見種種色

論云無智住法心不清淨故不得有智不住法心清淨故得有目者如得對治法日光者如所治闇盡能治現前空喻真如色

喻性上萬德○二讚經功德二○初惣標

須菩提當來之世若有善男子善女人能於此經受持讀誦則爲如來以佛智慧悉知是人悉見是人皆得成就無量無邊功德無著云讀誦者此說受持因故爲欲受故

讀爲欲持故誦論云受持修行依惣持法
故讀誦修行依聞慧廣故是則從他聞法
內自思惟得修行智也故偈云修從他及
內○二別顯十初捨命不如二○初捨命
福

慶三

四

須菩提若有善男子善女人初日分以恒河
沙等身布施中日分復以恒河沙等身布施
後日分亦以恒河沙等身布施如是無量百
千萬億劫以身布施

偈云以事及時大福中勝福德○二信經

福

若復有人聞此經典信心不逆其福勝彼何
况書寫受持讀誦爲人解說

信經劣於持說多命勝於前喻○二餘乘
不測

須菩提以要言之是經有不可思議不可稱
量無邊功德

偈云非餘者境界無著云不可思議者唯
自覺故不可稱量者無有等及勝故○三
依大心說

如來爲發大乘者說爲發最上乘者說

最上者一佛乘也○四具德能傳

若有人能受持讀誦廣爲人說如來悉知是人悉見是人皆得成就不可量不可稱無有邊不可思議功德如是人等則爲荷擔如來

跋三

五

阿耨多羅三藐三菩提

成就等者偈云滿足無上界荷擔者無著云肩負菩提重擔故○五樂小不堪

何以故須菩提若樂小法者著我見人見衆生見壽者見則於此經不能聽受讀誦爲人

解說

六所在如塔

須菩提在在處處若有此經一切世間天人阿修羅所應供養當知此處則爲是塔皆應恭敬作禮圍繞以諸華香而散其處

七轉罪爲佛

復次須菩提善男子善女人受持讀誦此經若爲人輕賤是人先世罪業應墮惡道以今世人輕賤故先世罪業則爲消滅當得阿耨多羅三藐三菩提

輕賤者惣包於中或打或罵故隋譯云輕賤甚輕賤無著云此毀辱事有無量門故復云甚輕賤當得菩提者罪滅故○八超事多尊論云示現速證菩提法故○文二

○初供佛多中全具福

須菩提我念過去無量阿僧祇劫於然燈佛前得值八百四十萬億那由他諸佛悉皆供養承事無空過者

那由他者十億為洛又十洛又為俱胝十俱胝為那由他○一持經多中少分福

若復有人於後末世能受持讀誦此經所得功德於我所供養諸佛功德百分不及千萬億人乃至算數譬喻所不能及

九具聞則疑

須菩提若善男子善女人於後末世有受持

晨三

讀誦此經所得功德我若具說者或有人聞心則狂亂狐疑不信

六

十惣結幽邃

須菩提當知是經義不可思議義果報亦不可思議

無著云此顯示彼福體及果體不可測量
故○十一斷住修降伏是我疑佛教我住
修降伏兼不住前十種疑執過患若無我
者誰人受教誰人住修誰人如此離過云
云亦云除微細執故偈云於內心修行存

我為菩薩此即障於心違於不住道○斷
之文二○初問

余時須菩提白佛言世尊善男子善女人發
阿耨多羅三藐三菩提心云何應住云何降
伏其心

二答三○初若名菩薩必無我
佛告須菩提若善男子善女人發阿耨多羅
三藐三菩提心者當生如是心我應滅度一
切衆生滅度一切衆生已而無有一衆生實
滅度者

卷三

七

二若有我相非菩薩

何以故若菩薩有我相人相衆生相壽者相
則非菩薩

三能所俱即是菩提

所以者何須菩提實無有法發阿耨多羅三

藐三菩提心者

十二斷佛因是有菩薩疑論云若無菩薩
云何釋迦如來於然燈佛所行菩薩行○
斷之文四○初舉疑處

須菩提於意云何如來於然燈佛所有法得

阿耨多羅三藐三菩提不

降然王請然燈佛入城城中長幼盡迎路
泥善慧布髮佛與授記故舉此問○二斷
疑念

不也世尊如我解佛所說義佛於然燈佛所

無有法得阿耨多羅三藐三菩提

善慧彼時都無所得離諸分別由無法故
得記若有法者是有相心不順菩提佛不
與記○三印決定

佛言如是如是須菩提實無有法如來得阿

耨多羅三藐三菩提

論云我於彼時所修諸行無有一法得阿
耨多羅三藐三菩提功德施論引佛說云
若見於佛即見自身見身清淨見佛清淨
見一切智智皆悉清淨是中見清淨智亦

復清淨是名見佛我如是見然燈如來得
無生忍一切智智明了現前即得受記是
受記聲不至於耳亦非餘智之所能知我
於此時亦非惛惛無覺然無所得○四反
覆釋

卷三

須菩提若有法如來得阿耨多羅三藐三菩
提者然燈佛則不與我授記汝於來世當得
作佛號釋迦牟尼以實無有法得阿耨多羅
三藐三菩提是故然燈佛與我授記作是言
汝於來世當得作佛號釋迦牟尼

無著云若正覺法可說如彼然燈所說者
我於彼時便得正覺然燈則不記言來世
當得以法不可說故我於彼時不得正覺
是故記言來世當得○十三斷無因則無
佛法疑於中三初斷一向無佛疑論云若
無菩提即無諸佛如來有如是謗謂一向
無佛為斷此疑故云如來者即是真如○
斷之文二○初顯真如是佛故非無
何以故如來者即諸法如義
無著云如清淨故名為如來猶如真金

二明佛即菩提故無得

若有人言如來得阿耨多羅三藐三菩提
須菩提實無有法佛得阿耨多羅三藐三
菩提

先標錯解魏云若有人言如來得阿耨菩

卷三

九

提者是人^九不實語後釋正見偈云菩提彼
行等謂等前菩薩行無得也無著云或謂
然燈如來所於法不得正覺世尊後時自
得正覺為離此取故云若人言等○二斷
一向無法疑論云有人謗言若無因行則

如來不得阿耨菩提為斷此疑故云如來
所得等○斷之文二○初遣執遮疑
須菩提如來所得阿耨多羅三藐三菩提於
是中無實無虛

論云無色等相故彼即菩提相故無著云

顯真如無二故謂言說故謂彼正覺不無
世間言說故○二釋義斷疑

是故如來說一切法皆是佛法須菩提所言
一切法者即非一切法是故名一切法

論云一切法者皆真如體故皆佛法即非

者由色等法即真如故即非色等法真如
常無色等諸相故是名者即是真如法自
性矣○三顯真佛真法體

須菩提辟如身長大須菩提言世尊如來說
人身長大則為非大身是名大身

偈云依彼法身佛故說大身喻身離一切
障及徧一切境功德及大體故即說大身
非身即是身是故說大身論云非身者無
有諸相故大身者有真如體故無著云攝
一切衆生大身故於彼身中安立非自非

他故○十四斷無人度生嚴土疑論云若
無菩薩者諸佛亦不成菩提衆生亦不入
涅槃亦無清淨佛土何故諸菩薩發心欲
令衆生入涅槃起心修行清淨佛土○斷
之文三初遮度生念三○初明失念

卷三

+

須菩提菩薩亦如是若作是言我當滅度無
量衆生則不名菩薩

偈云不達真法界起度衆生意及清淨國
土生心即是倒○二明無人
何以故須菩提實無有法名為菩薩

無法名菩薩豈有我度衆生○三引前說
是故佛說一切法無我無人無衆生無壽者
二遮嚴土念二○初明失念
須菩提若菩薩作是言我當莊嚴佛土是不
名菩薩

二釋所以

何以故如來說莊嚴佛土者即非莊嚴是名
莊嚴

三釋成菩薩

須菩提若菩薩通達無我法者如來說名真

是菩薩

論云若起度衆生嚴土之心即是顛倒非
菩薩者起何等心名爲菩薩故經言通達
等無著云謂人無我法無我○十五斷諸佛
不見諸法疑論云前說菩薩不見彼是衆

卷三

上

生不見我爲菩薩不見清淨佛土若如是
則諸佛不見諸法○斷之文二初約能見
五眼明見淨偈云雖不見諸法非無了境
眼諸佛五種實以見彼顛倒○文五○初
肉眼

須菩提於意云何如來有肉眼不如是世尊
如來有肉眼

肉團中有清淨色見障內色名爲肉眼佛
具諸根故有肉眼○二天眼

須菩提於意云何如來有天眼不如是世尊

如來有天眼

於肉眼遙引淨天眼見障外色依大般若
佛肉眼能見人中無數世界不唯障內若
佛天眼能見諸天所有細色除見天外見
人等事名肉眼矣淨名云唯佛世尊得真

天眼照見恒沙佛土不以二相○三慧眼
須菩提於意云何如來有慧眼不如是世尊
如來有慧眼

以根本智照真理故○四法眼

須菩提於意云何如來有法眼不如是世尊

如來有法眼

後得智說法度人○五佛眼

須菩提於意云何如來有佛眼不如是世尊
如來有佛眼

前四在佛總名佛眼又見佛性圓極名爲

佛眼○無著云爲令知見淨勝故顯示有
五種眼略說有四種謂色攝第一諦攝世
諦攝一切種一應知攝○古德偈云天
眼通非礙肉眼礙非通法眼唯觀俗慧眼
直緣空佛眼如千日照異體還同○二約

量

土

所知諸心明智淨五○初約一箇恒河以
數沙

須菩提於意云何如恒河中所有沙佛說是
沙不如是世尊如來說是沙

二約一河中沙以數河

須菩提於意云何如一恒河中所有沙有如
是沙等恒河

三約沙河中沙以數界

是諸恒河所有沙數佛世界如是寧爲多不
甚多世尊

四約余所界中所有生

佛告須菩提余所國土中所有衆生

五約一一衆生所有心三○初惣明染淨
以標恙知

若干種心如來恙知

無著云若干種心者有二種謂染及淨即其
欲心離欲心等○二會妄歸真以釋恙知
何以故如來說諸心皆為非心是名為心
大雲云由一切妄心依真如體都無其性佛
證真如故恙知之諸心者標指非心者妄識

卷三

十三

本空是名心者真心不滅若本論釋則與此
殊偈云種種顛倒識以離於實念不住彼
實智是故說顛倒○三推破雜染以釋非心
所以者何須菩提過去心不可得現在心不
可得未來心不可得

無著云過去已滅故未來未有故現在第
一義故○十六斷福德例心顛倒疑論云
向說心住顛倒皆不可得若如是福德亦
是顛倒何名善法○斷之文二○初問福
答福

須菩提於意云何若有人滿三千大千世界
七寶以用布施是人以是因緣得福多不如
是世尊此人以是因緣得福甚多
以是離相無倒行施因緣成無漏福離於
二障既非顛倒故得福多○二反釋順釋

須菩提若福德有實如來不說德福德多以
福德無故如來說得福德多

偈云佛智慧為本非顛倒功德論云顯示
福非顛倒佛智為本故福有者取相也福
無者離相也問福性空故福多者前說妄

心性空妄亦應多答福以佛智為本順於
性空故悟性空福則甚多心識顛倒違於
性空故悟性空則心識都盡十七斷無為
何有相好疑論云若諸佛以無為得名云
何諸佛成就相好而名為佛此約法身佛

故以為疑○斷之文二○初由無身故現
身

須菩提於意云何佛可以具足色身見不
也世尊如來不應以具足色身見何以故如
來說具足色身即非具足色身是名具足色

卷三

四

身

即隨形好也如鏡中無物方能現物故論
云法身畢竟非色身非諸相然相好二種
亦非不佛此二不離法身故是故此二亦
得言無故說非身亦得言有故說成就○

二由無相故現相

須菩提於意云何如來可以具足諸相見不
不也世尊如來不應以具足諸相見何以故
如來說諸相具足即非具足是名諸相具足
即三十二相也一一如前色身中說十人

斷無身何以說法疑論云若如來色身相
好不可得見云何言如來說法○斷之文

三○初遮錯解

須菩提汝勿謂如來作是念我當有所說法
莫作是念

谷中無人能作音聲故○二釋所以
何以故若人言如來有所說法即為謗佛不
能解我所說故

世尊達諸法空畢竟無執今言有說是謗
佛執法也○三示正見

卷三

十五

須菩提說法者無法可說是名說法

偈云如佛法亦然所說二差別不離於法
界說法無自相大雲云若言無說是真說
法若言有說不名說法是謗佛故○十九
斷無法如何修證疑論云如來不得一法

云何離上上證轉轉得阿耨菩提爲斷此
疑示現非證法名爲阿耨菩提○斷之文
三○初以無法爲正覺

須菩提白佛言世尊得阿耨多羅三藐三菩
提爲無所得耶佛言如是如是須菩提我於

阿耨多羅三藐三菩提乃至無有少法可得
是名阿耨多羅三藐三菩提

偈云彼處無少法知菩提無上論云彼菩
提處無有一法可證名爲阿耨菩提○二
以平等爲正覺

復次須菩提是法平等無有高下是名阿耨
多羅三藐三菩提

偈云法界不增減論云是法平等是故名
無上以更無上上故○三以正助修正覺
以無我無人無衆生無壽者修一切善法則
得阿耨多羅三藐三菩提須菩提所言善法
者如來說即非善法是名善法

無我等是了因即正道也修一切善法是
緣因即助道也即得阿耨菩提是正覺也
所言善法者標指也即非等者論云彼法

無有漏法故名非善法以有無漏法故名
為善法○二十斷所說無記非因疑論云
若修一切善法得阿耨菩提者則所說法
不能得菩提以是無記法故○斷者

須菩提若三千大千世界中所有諸須彌山

廣三

去

王如是等七寶聚有人持用布施若人以此
般若波羅蜜經乃至四句偈等受持讀誦為
他人說於前福德百分不及一百千萬億分
乃至算數譬喻所不能及

偈云雖言無記法而說是彼因是故一法

寶勝無量珍寶論云以離所說法不能得
大菩提故此法能為菩提因又言汝法是
無記而我法是記是故勝捨無量七寶○
二十一斷平等云何度生疑論云若法平
等無高下者云何如來度衆生○斷之文

四○初遮其錯解

須菩提於意云何汝等勿謂如來作是念我
當度衆生須菩提莫作是念

二示其正見

何以故實無有衆生如來度者

偈云平等真法界佛不度衆生以名共彼
陰不離於法界論云衆生假名與五陰共
不離法界○三反釋所以
若有衆生如來度者如來則有我人衆生壽
者

農三

七

論云若如來有如是心五陰中有衆生可
度者此是取相過無著云如來如芥炎而
知是故若有衆生想則爲有我取○四展
轉拂跡

須菩提如來說有我者則非有我而凡夫之

人以爲有我須菩提凡夫者如來說則非凡
夫

二十二斷以相比之真佛疑論云雖相成
就不可得見如來而以見相成就比智則
知如來法身○斷之文五○初問以相表

佛

須菩提於意云何可以三十二相觀如來不
二答因苗識根

須菩提言如是如是以三十二相觀如來
大雲云前悟色身今迷法身意謂法身既

流出相身即由此相知佛證得無相法身

○三難凡聖不分

佛言須菩提若以三十二相觀如來者轉輪聖王則是如來

偈云非是色身相可比知如來諸佛唯法

身轉輪王非佛○四悟佛非相見

須菩提白佛言世尊如我解佛所說義不應以三十二相觀如來

五即見聞不及

尔時世尊而說偈言若以色見我以音聲求

我是人行邪道不能見如來

魏加後偈云彼如來妙體即法身諸佛法身不可見彼識不能知偈云唯見色聞聲是人不知佛以真如法身非是識境故無著云以彼法真如相故非如言說而知唯

農三

丈

自證知故二十三斷佛果非關福相疑由前相比法身是失又聞以色見聲求是邪遂作念云佛果一向無相無為若尔則修福德之因但成相果相果既非佛果佛果則不以具相而得故佛果畢竟不關福相

故論云有人起如是心若不依福德得大
菩提如是諸菩薩則失福德及失果報○
斷之文四初遮毀相之念

須菩提汝若作是念如來不以具足相故得
阿耨多羅三藐三菩提須菩提莫作是念如
來不以具足相故得阿耨多羅三藐三菩提
華嚴經云色身非是佛音聲亦復然亦不
離色聲見佛神通力肇云不偏在色聲故
言非非不身相故復言是大雲云若言如
來不以相具斷滅見矣故佛止云莫作是

念○二出毀相之過

須菩提汝若作是念發阿耨多羅三藐三菩
提心者說諸法斷滅莫作是念

毀相則墮斷滅斷滅是損滅之過斷見邊
見之過○三明福相不失

廣三

何以故發阿耨多羅三藐三菩提心者於法
不說斷滅相

九

無著云於法不說斷滅者謂如所住法而
通達不斷一切生死影像法於涅槃自在
行利益衆生事此中爲遮一向寂靜故顯

示不住涅槃偈云不失功德因及彼勝果
報論云雖不依福德得真菩提而不失福
德及彼果報以能成就智慧莊嚴功德莊
嚴○四明不失所以二○初明得忍故不
失

須菩提若菩薩以滿恒河沙等世界七寶布
施若復有人知一切法無我得成於忍此菩
薩勝前菩薩所得功德

論云有人起如是心諸菩薩得出世智失
彼福德及以果報爲遮此故偈云得勝忍

不失以得無垢果無我者二種無我也○
一明不受故不失二○初正明

須菩提以諸菩薩不受福德故

論云彼福德得有漏果報故可訶也無著
云此顯示不著生死故若住生死即受福

德○二徵釋

須菩提白佛言世尊云何菩薩不受福德須
菩提菩薩所作福德不應貪著是故說不受
福德

二十四斷化身出現受福疑論云若諸菩

薩不受福德云何諸菩薩福德衆生受用

○斷之文二○初斥錯解

須菩提若有人言如來若來若去若坐若卧
是人解我所說義

偈云是福德應報爲化諸衆生自然如是

卷三

下

業諸佛現十方○二示正見

何以故如來者無所從來亦無所去故名如
來

偈云去來化身佛如來常不動大雲云衆
生心水若清淨則見佛來來無所從濁則見

雙林示滅則云佛去去無可至肇云解極
會如體無方所緣至物現來無所從感畢
爲隱亦何所去○二十五斷法身化身一
異疑據前不可以化相比此知法身法身無
去來坐卧即似真化異據遮斷滅之念又
顯不失福相即似真化一故成疑也此約微
塵世界委釋非一非異義以斷此疑○文二初
約塵界破一異五○初細末方便破麗色
須菩提若善男子善女人以三千大千世界
碎爲微塵於意云何是微塵衆寧爲多不

甚多世尊

偈云於是法界處非一亦非異論云彼諸佛如來於真如法界中非一處住亦非異處住爲示此義故說世界碎爲微塵故偈云世界作微塵此喻示彼義○無著云爲

衆三

主

破名色身故說界塵等於中細末方便及無所見方便塵甚多者是細末方便○大雲云即是析塵至於細末以此方便破塵色矣此言微塵依大乘宗於一搏色假想分析至極略色爲塵非小乘宗實塵矣○

二不念方便破微塵

何以故若是微塵衆實有者佛則不說是微塵衆所以者何佛說微塵衆則非微塵衆是名微塵衆

論云塵碎爲末故非一處塵衆聚故故非異處如是佛住法界中非一處住非異處住○又若塵衆實有者世間凡夫恚亦自知何須佛說祇爲不知體不成就故佛說矣故無著云世尊說非者以此聚體不成就故若異此者佛雖不說亦自知是聚○

三不念方便破世界

世尊如來所說三千大千世界則非世界是名世界

本論破世界不實之義可知無著云此破名身世界者衆生世界○四俱約塵界破

和合

何以故若世界實有者則是一合相如來說一合相則非一合相是名一合相

論云若實有一世界如來則不說三千界大雲云若實有一世界冥然是一一和合

矣是則不合有多差別今既佛說三千明非冥然一矣故約三千破一界也○無著云爲並說若世界若微塵界故有二種搏取爲一搏取及差別搏取大雲云此明塵衆及衆生類俱名世界一合相者即是搏取搏取爲一故云和合故此一合有二搏取一者一搏取即是世界和合爲一二差別搏取即是微塵有衆多極微名爲差別非一合者第一義中二界無實故五佛印無中妄執有

衆生

主

須菩提一合相者則是不可說但凡夫之人貪著其事

論云以彼聚集無物可取虛妄分別故云妄取若有實者即是正見無著云世諦說搏取第一義不可說彼小兒凡夫如言說

取大雲云執見五蘊取其和合是貪著事迷於事法起煩惱矣○二約止觀破我法二初除我執二初斥錯解

須菩提若人言佛說我見人見眾生見壽者見須菩提於意云何是人解我所說義不世

尊是人不解如來所說義

二遣言執

何以故世尊說我見人見眾生見壽者見則非我見人見眾生見壽者見是名我見人見眾生見壽者見

卷三

三三

論云我見虛妄分別佛說即是不見無著云此顯示如所不分別云何顯示如外道說我如來說為我見故安置人無我又為說有此我見故安置法無我如是觀察菩薩入相應三昧時不復分別即此觀察為

入方便○二除法執二○初除分別

須菩提發阿耨多羅三藐三菩提心者於一切法應如是知如是見如是信解不生法相無著云此顯示何人無分別於何法不分別何方便不分別○此顯示增上心增上

智故於無分別中知見勝解○於中若智依止奢摩他故知依止毗鉢舍那故見此二依止三摩提故勝解以三摩提自在故解內攀緣影像彼名勝解○云何無分別此正顯無分別大雲云前之方便是加行

智今不分別是根本智即親證真如離能所取名不分別○二顯本寂

須菩提所言法相者如來說即非法相是名法相

無著云此顯示法相中不共義及相應義

如前已說二十六斷化身說法無福疑因聞真化非一非異意云若就非一化唯虛假若就非異又唯冥合歸一法身即化身終無自體若亦即所說法受持演說無福○斷之文二○初明說法功德

須菩提若有人滿無量阿僧祇世界七寶持
用布施若有善男子善女人發菩薩心者持
於此經乃至四句偈等受持讀誦為人演說
其福勝彼

偈云化身示現福非無無盡福論云雖諸

出於三

千四

佛自然化身作業而彼諸佛化身說法有
無量無盡無漏功德○二明說法不染
云何為人演說不取于相如如不動

無著云為說法不染故以有如是大利益
故決定演說如是演說即無所染○云何

演說等者顯示不可言說故若異此者則
為染說以顛倒義故又說時不求信敬等
亦為無染說法○大雲云若能不以生滅
心行說實相法則如彼真如故曰如如又
心如境如故曰如如不動者則無染義○

二十七斷入寂如何說法疑論云若諸佛
如來常為衆生說法云何言如來入涅槃
○斷者

何以故一切有為法如夢幻泡影如露亦如
電應作如是觀

釋此文爲三初約兩論釋魏本中九喻魏本云一切有爲法如星翳燈幻露泡夢電雲應作如是觀○於中文二初約本論斷疑偈云非有爲非離諸如來涅槃九種有爲法妙智正觀故論云諸佛得涅槃化身

農三

五

說法故非有爲非離有爲何故示現世間而不住有爲由妙智正觀有爲如九喻虛假故○二兼無著釋相無著云此偈顯示四有爲相文四○一自性相此見相二用識爲體生死根本故文三○一星喻見無

著云無智暗中有彼光故有智明中無彼光故○二翳喻相論云如目有翳則見毛輪等色觀有爲法亦亦以顛倒見故無著云人法我見如翳以取無義故○三燈喻識燈約膏油相續不絕識依貪愛生死無休○二著所住味相

論云幻喻所依住處以器世間種種差別無一體實故無者云味著顛倒境故大雲云幻出城郭誑人識變山河不實故○三隨順過失相自身及受用是過失觀此無常是名隨順又解云隨順身受即是過失

文二○初靈喻身論云身亦如是少時住故二泡喻受論云所受用事亦復如是以受想因三法不定故無著云顯示隨順苦體以受如泡故功德施云觀察壽如水泡或始生未成體或纔生或暫停住即歸散

滅○四隨順出離相無著云隨順人法無我故得出離文三○初夢喻過去無著云彼過去行以所念處故如夢論云應觀過去所有集造同於夢境但唯念性故功德施云觀察作者如夢中隨見聞之境以念

分別熏習住故雖無作者種種境界分明現前如是衆生無始時來有諸煩惱善不善業熏習而住雖無我是能作者而現無涯生死等事○二電喻現在論云以刹那不住故功德施云觀察心如電生時即滅

農三

壬六

三雲喻未來論云以於子時阿黎郁識與一切法爲種子根本無著云彼衆惡種子似虛空引心出故如雲○無著云如是知三世行則達無我此顯示隨順出離相大雲云過未無體現又不住則三世空達無

我矣○二約諸經顯諸虛假喻之大意佛說一切法空疑云云何現見一切境界故說如幻幻法雖無分明可見又疑云幻法既無人何愛著故說如陽焰渴鹿謂之水愛著奔趣又疑云渴鹿畢竟不得水貪者如何皆得受用故說如夢夢中所見亦得受用又疑云夢造善惡寤無業報夢打尊長寤無憂懼故說如影如響雖全無體明鏡對色空谷對聲妍媸高低一一皆應必無雜亂必無參差又疑云苦都無實菩薩

何以作利樂事故說如化謂變化者雖知不實而化事○三會通秦譯經本夢幻泡影空理全彰露電二喻無常足顯悟真空則不住諸相觀生滅則警策修行妙符破相之宗巧示亡情之觀○魏譯九喻秦本

出後三

主

略者以星燈有體雲種含生恐難契空心潛滋相想取意之譯妙在茲焉○第三流通分

佛說是經已長老須菩提及諸比丘比丘尼優婆塞優婆夷一切世間天人阿修羅閻佛

所說皆大歡喜信受奉行

尼者此云女也優婆塞此云近事男優婆夷此云近事女親近比丘比丘尼而承事故阿修羅此云非天皆大等者文殊所問經云有三種義歡喜奉行一說者清淨不

為取著利養所染二所說清淨以如實知法體三得果清淨○無著云若聞如是義於大乘無覺我念過於石究竟無因故天親云諸佛希有總持法不可稱量深句義從尊者聞及廣說迴此功德施羣生大雲

云大聖說經妙理斯畢二空圓極四眾奉行肇云同聽齊悟法喜蕩心服翫遵式永崇不朽資聖云般若深經三世佛母聞經四句以超惡趣之因一念淨持必獲菩提之記故人天異類莫不虔受奉

行矣

卷三

三

金剛般若經疏論纂要下